

14 Août 2016

(10 Dhul-Qaddah 1437 AH)

(Résumé Discours)

Après ki li fer Salaam tous bane **Siraj Makîn** ki présents pour l'occasion (**IJTEMA SIRAJ MAKIN**) et tous bane **Siraj Makin** dans bane les autres pays ainsi ki bane les autres musulmanes, Hazrat Muhyi-ud-Din Al-Khalifatullah (atba) fine lire Tashahhud et Ta'uz ainsi ki Surah Al-Fatiha, et li fine ensuite axé so discours lor:

DEUX MADAMES EXCEPTIONNELLES DANS L'ISLAM



La mère des croyants (Hazrat Ummul Mumineen) Khadîja (ra) ti ene madame bien clairvoyant. Li ti conne parfaitement le caractère de bane z'hommes. Li ti conne reconnaitre ene métal précieux et li pas ti pé laisse li-même tromper par ene fausse tableau! Ena ene grand chance ki so travail dans le commerce fine donne li sa capacité là parski bane commerçants zot parmi bane meilleurs connaisseurs de la psychologie humaine!

Au cours de so travail dans le commerce, li fine fer la connaissance de Hazrat Muhammad (saws) et c'est li-même ki fine demande Hazrat Muhammad (saws) en mariage. Hazrat Muhammad (saws) pas ti ene dimoune inconnu de bane Arabes. La noblesse de so comportement ti bien populaire parmi tous bane arabes, surtout tous bane tribus de Quraysh et les alentours et zot tous ti pé admire li beaucoup. Et li arrive souvent ki la noblesse du cœur pareil couma la lumière ki reflecter lors figure li vine ene base de l'appréciation générale et li vine ene kitchose ki apprécier par tous dimoune, à l'unanimité.

Mais après so mariage Hazrat Khadîja (ra) fine gagne ene meilleure connaissance de so missié (li fine fer encore plisse so connaissance) et li fine réaliser ki kalité haute niveau de perfection ki li (Hazrat Muhammad (saws) fine atteindre! De ce fait, kan Hazrat Muhammad (saws) fine raconte li saki fine arrive li dans la cave Hira, Hazrat Khatîja (ra) fine capave fini dire li à l'avance saki pou arrive li en basant li-même lor Hazrat Muhammad (saws) so passé. Li fine assure Hazrat Muhammad (saws) avec ene telle fermeté ki ene dimoune couma li, li impossible ki li alle égarer et ki li impossible ki Allah délaisse ene telle dimoune couma li, ene telle dimoune ki Allah même fine accorde tant de noblesse et d'honneur. Hazrat Khatîja (ra) fine dire: « *Par Allah, jamais Allah pou déshonore toi. To toujours véridique dans to bane causés. To préserve bien to bane liens de parenté. To porte secours à bane ki faibles. To donne à bane ki dans le besoin. To hospitalier avec to invité. To donne ene bon coup de main dans bane causes ki justes et to restituer bane dépôts. Allah pas déshonore ene tel kalité dimoune ni dans sa lé monde là ni dans l'autre lémonde! Ene tel dimoune li immunisé contre bane l'attaques de Satan. »*

Hazrat Khadîja (ra) ti faire partie dans la haute société de bane Quraysh, c'est-à-dire le sommet de la société arabe. Li ti également premier madame ki fine croire dans mission de Hazrat Muhammad (saws). Mais l'Islam li ene religion universelle ki destiné à tous bane catégories sociales. Si d'ene côté lé cœurs de bane riches attirer par l'Islam, de l'autre côté la masse de bane dimounes embrasse li (l'Islam) et attane de l'Islam beaucoup de bonheur. Bane maitres et bane esclaves ena même rang dans l'Islam. De ce fait, Hazrat Abu Bakr, ki ti ene dimoune bien riche fine embrasse sa religion là, ainsi ki Bilal ki ti ene esclave affranchi. En vérité, l'Islam comme ene zoli démonstration d'égalité de genre fine donne à toute la race humaine so place honorable, quel que soit so rang social. L'Islam redonne à l'homme so vraie position dans la société et aux yeux d'Allah. De ce fait, na pas ena caste dans Islam mais ena plutôt ene l'atmosphère de fraternité générale. Ene esclave et ene maître zot tous les deux maître de zot destin et zot partage même la table, et bane mêmes intérêts.

Si Khadîja (ra) ti la première croyante et ti faire partie de bane grand la caze de bane Quraysh, de l'autre côté fine ena, Soumayya, mama de Ammar, ki sorti d'ene la caze de bane pauvre, de bane opprimés, sans beaucoup de valeur mais ki ti vine premier madame ki fine gagne l'honneur pou mort comme *martyr* (pou mort pour la cause d'Allah).

Bane épreuves ki Allah faire subir à So bane serviteurs zot bien varié. Li éprouve zot par la célébrité et par l'anonima, par la fortune et par la pauvreté, par la santé et par la maladie et saki compte c'est la fin. Fine rapporté ki Uthman (ra) ki ti ene dimoune influent de parmi bane Quraysh fine dire: « Alors ki mo pé marché dans désert en compagnie de Rassoollullah (saws), nous fine trouve Ammar, so papa et so mama ki ti pé torturé dans ene soleil difé (bien bien chaud) afin ki zot abandonne l'Islam ! (Kan li fine trouve le Prophète d'Allah) Papa Ammar fine dire le Prophète (saws): « *Ô Messenger d'Allah, eski sa pour l'éternité sa?* » (C'est-à-dire, eski sa torture là pou durer pour toute l'éternité ?) Li (saws) fine réponde: « *Patience, Ô famille de Yaasir ! Ô Allah, pardonne à bane Yaasir, et To fine en fait (déza) pardonne zot !* »

Ensuite, bane chefs de *Jaahiliyyah* (de l'ignorance, ki fine refuse pou accepter l'Islam) fine vine de l'avant pou jouir sa tamasa ki pé passer devant zot là, kot pé torture sa bane croyants là. Parmi zot ti ena Abu Jahl ki ti pé irriter kan li ti pé trouve courage de Yaasir so madame, Soumayya et so l'endurance face à sa épreuve ki li ti pé subir là. Alor, li fine pran ene lance et fine enterre sa dans so bas ventre kot partie kot so l'utérus trouver. Et alor Soumayya fine vine le premier martyr ki fine donne so la vie pour l'Islam (pas zis de côté de bane madames, mais parmi tous bane croyants hommes et femmes). C'est bien après ki la punition divine fine abatte lor Abu Jahl. Sa punition divine là fine exécuté dans bataille Badr. Sa pharaon détestable de so l'époque là ti sorti pou combatte bane croyants pendant sa la guerre là et c'est là ki le destin fine envoie vers li deux adolescents musulmans ki fine la guerre avec li ziska ki zot fine gagne le dessus lor li et touye li !

En vérité Allah dire dans Quran Shareef: **« Nous fine envoie ou ene Messenger, pou témoigne de ou bane actions, pareil couma Nous ti envoie ene Messenger à Pharaon. Mais Pharaon ti désobéir le Messenger et alor Nous fine maille li avec ene grand sévérité. »** (Al-Muzzammil 73 : 16-17).

Ki Allah accueille dans So l'amour sa deux madames musulmanes précieuse (précié pour l'Islam) là ki avant l'avènement de l'Islam fine sorti de bane statuts sociales différents mais ki avec la force grandissante de l'Islam, zot fine vine, tous les deux, deux sœurs de cœurs ki fine sacrifié tout pour faire la vérité triompher dans l'Arabie en entier, ainsi ki dans le monde entier ziska dans même nous l'époque et pour tous bane l'époques futures jusqu'au Jour Final (le Jour du Jugement Dernier). *Ameen.*

LE TRAVAIL D'ENE MADAME DANS SO FOYER

La femme dans so foyer li couma ene bijou ki bien préservée dans so écrin/ boîte. Li l'inspiration de so foyer, c'est li-même ki gère so la caze et c'est li-même ki faire ressortir la valeur de la vie en couple en coopérant avec so missié pour veille au bonheur de la famille et de bane dibiens en so possession. Mo salué de ce fait tous bane madames aux foyers ainsi ki bane madames ki pour ene raison important bizin sorti en dehors pour alle travaille et contribuer pour résoudre bane problèmes financiers de zot foyers. Sa bane madames là malgré ki zot sorti pour alle travaille mais selman zot pas abandonne zot foyers pour autant et accomplir zot bane devoirs dans zot foyer ainsi ki zot bane devoirs professionnels.

Mo donne zot azordi bane madames l'exemple d'ene madame parmi nous bane prédécesseurs pieux ki ti pé servir so foyer dans ene façon remarquable en effectuant tout le travail ki li ti capave fer pour so missié et so bane zenfants. Sa fer partie de bon éthique de la vie en couple. Sa renforce la vie familiale et permette li pou durer lontan.

Asma, tiffille de Hazrat Abu Bakr Siddique, (Radi' Allahu Anhum) - ki Allah content avec zot tous les deux - raconté: « Az-Zoubayr ti marié avec moi dans ene moment kot li pas ti possède lor la terre ni dibiens, ni l'argent, ni esclave, ni les autre kitchose à l'exception de so cheval et de so chameau. Mo ti pé donne so cheval fourrage, mo ti pé assure li so nourriture et donne li bane soins ki bizin. Mo ti pé moule bane la grains pou nourri so chameau, mo ti pé puize de l'eau et mo ti pé raccommode bane goudres (bane sac ki faire avec la peau bouc pou conserve de l'eau). Mo ti pé pétri aussi la farine, mais couma mo pas ti trop conne prépare di pain, bane voisines de Madina, bane bons camarades avec moi ti pé prépare di pain là. Mo ti pé saryé lor mo la tête bane récoltes ki ti pé vine d'ene la terre ki le Messenger d'Allah (saws) ti donne Az-Zoubayr (Asma so missié). Sa terrain là ti trouve loin de (nous) la caze, environ deux tiers de parasange (ki équivaut plisse ki 3 kilomètres). Ene jour, kan mo ti pé saryé fardeau de bane récoltes lor (mo) la tête, mo fine rencontre le Messenger d'Allah (saws) ki ti accompagné d'ene certain nombre de so bane Compagnons. Le Prophète fine appelle moi, fine fer so monture vine à genou pou ki mo monte lor là derrière li. Mo fine senti moi ene ti peu honté pou voyager avec bane z'hommes et (en adressant à so missié Az-Zoubayr, Asma fine dire) mo ti pé calcule lor to jalousie. Mais, Az-Zoubayr fine réponde li: 'Par Allah, li ti pou pli pénible pou moi pou trouve toi pé saryé sa fardeau là lor to la tête ki trouve toi assisé zis derrière li (c'est-à-dire, le prophète). (Asma contigné raconter) 'Mo fine contigné amène sa kalité l'existence là ziska le jour ki Abu Bakr (Asma so papa) fine envoie moi ene servante ki fine débarrasse moi de bane soins ki mo habituer donne cheval là, et alor mo fine gagne l'impression ki mo fine être libéré (d'ene grand fardeau)'. » (Boukhari & Mouslim).

Eski zot fine trouve couma Asma bint Abu Bakr As-Siddiq (ra) fine comporte li ? Li fine fer le bien et alor en retour, li fine récolter le bien. Faire donc le bien en travaillant pour ou foyer autant ki ou capave, et ou pou trouve pour sa auprès d'Allah ene grand récompense.

Ene madame au foyer occupe de so foyer. Li l'égale de so mari ki sorti pour alle travaille dehors pour capave subvenir à bane besoins de so famille. Pendant ki so mari travaille à l'extérieur du foyer pour nourrir tous so famille, madame là li, li vine ene la force silencieux et ene l'exemple de patience pour ki li capave consacrer li corps et âme dans occupe sa devoir énorme là pou occupe de so foyer. Bane couples ki bizin sorti pour alle travaille en dehors la caze pour alle travaille, quant à zot, zot recevoir ene double part de bane responsabilités en ce qui concerne zot la vie professionnelle, zot foyer, zot bane zenfants et zot-mêmes. Zot ena double devoir pou occupe zot de zot foyer, et aussi pou occupe zot de zot bane travaux professionnelles aussi.

Bane tâches ménagères en soit pas réservé exclusivement pour bane madames. Tous bane membres de la caze ena le devoir pou contribuer à l'épanouissement de zot la vie quotidien en participant dans plusieurs bane tâches ki le foyer demander ki ene famille fer. Nous bien-aimé prophète Hazrat Muhammad (saws) ti l'exemple parfait de saki ene mari bizin été et li ti ene contributeur parfait au bonheur de so bane foyers parski li ti ena plisse ki ene madame. Li ti pé aide so bane épouses dans bane tâches ménagères, li ti pé conseille zot dans le bien et ti pé vivre

en harmonie avec zot. Li ti pé conseille zot, ainsi ki so bane tiffilles et bane les autres croyantes pou bien occupe zot foyer, parski sa en fait c'est ene *Jihaad* (ene guerre sainte, ene zéffore saint) pou zot et zot récompense pou certes énorme auprès d'Allah si zot conforme zot pou obéir zot missié et pou aide dans le bon fonctionnement de zot foyer.

Ki Allah aide zot ainsi ki bane madames musulmanes du monde entier pou vine bane gardiennes bienveillants pour zot bane foyers et ki Li inspire zot le désir pou servir So cause en étant fidèles à zot bane devoirs en tant ki madame ainsi ki musulmanes pour contribuer dans l'épanouissement de l'Islam, le foyer de bane vrais serviteurs d'Allah. *Insha-Allah, Ameen.*